



## UNIT KORPORAT DAN PERIHUBUNGAN AWAM

### MAKLUMAT MAJLIS BANDARAYA ISKANDAR PUTERI MELALUI AKHBAR UNTUK BULAN FEBRUARI 2018

| BIL. | NO. RUJUKAN  | TARIKH     | JENIS AKHBAR    | JENIS ARTIKEL | TAJUK   |
|------|--------------|------------|-----------------|---------------|---|
| 1.   | 002-2018/001 | 07.02.2018 | Sinar Harian    | Info PBT      | MPBP sasar jadi PBT kedua dilitiraf terbersih |
| 2.   | 002-2018/002 | 12.02.2018 | Sinar Harian    | Info PBT      | PBT wajar tubuh jawatankuasa pantau sungai    |
| 3.   | 002-2018/003 | 12.02.2018 | Harian Metro    | Aduan MBIP    | Orang luar campak saja                        |
| 4.   | 002-2018/004 | 27.02.2018 | Utusan Malaysia | Info PBT      | Jana pendapatan PBT                           |

#### RINGKASAN LAPORAN UNTUK BULAN FEBRUARI 2018:

| JENIS ARTIKEL    | JUMLAH   |
|------------------|----------|
| <b>ADUAN</b>     | 1        |
| <b>INFO MBIP</b> | 0        |
| <b>INFO PBT</b>  | 3        |
| <b>JUMLAH</b>    | <b>4</b> |



## MAJLIS BANDARAYA ISKANDAR PUTERI

No. Daftar : **002-2018/001**  
Tarikh : **07.02.2018 (Rabu)**  
Jenis Akhbar : **Sinar Harian**  
Jenis Artikel : **Info PBT**  
Tajuk Artikel : **MPBP sasar jadi PBT kedua diiktiraf terbersih**

### MPBP sasar jadi PBT kedua diiktiraf terbersih

Md Jais (kiri) ketika perasmian program bagi menggalakkan kitar semula di kawasan pentadbiran MPBP.

**BATU PAHAT** - Majlis Perbandaran Batu Pahat (MPBP) menyasarkan menjadi pihak berkuasa tempatan (PBT) kedua diiktiraf terbersih di negeri ini selepas Majlis Perbandaran Muar (MPM).

Yang Dipertua Shafie Ahamad berkata, usaha ke arah tersebut sudah dimulakan sejak awal tahun ini dengan pelbagai inisiatif, antaranya melancarkan Zon Bersih dan Lestari dalam setiap zon di kawasan pentadbirannya.

Menurutnya, terdapat 24 zon dalam kawasan pentadbiran MPBP yang diketuai seorang ahli majlis dan pihaknya mahu setiap kawasan zon itu mengisyarkan satu lokasi untuk dimasukkan dalam program Zon Bersih dan Lestari.

"Dalam setiap zon itu, perlu ada sekurang-kurangnya satu kawasan diper-

kenalkan bagi program ini dan sebagai permulaan kita akan meletakkan tong sampah kitar semula, agar dapat mendidik orang ramai mengasingkan sampah masing-masing.

"Untuk permulaan ini kita letakkan satu set tong sampah kitar semula di hadapan pejabat MPBP, yang juga dikenali sebagai Taman Linear Bandar. Tong sampah biru untuk kertas, manakala coklat untuk kaca dan jingga bagi sampah aluminium atau plastik.

"Bagi tujuan ini juga kita sebenarnya memerlukan 50 set tong sampah berkenaan di mana setiap zon akan diletakkan dua set, kecuali di kawasan bandar yang memerlukan empat set tong sampah," katanya ketika ditemui selepas pelancaran program berkenaan.

Program dirasmikan Exco Perumahan dan Kerajaan Tempatan, Datuk Md Jais Sarday dan turut dihadiri Ketua Whip MPBP, Zaidi Japar.

Sementara itu, Md Jais berharap PBT lain dapat mencontohi usaha yang dilakukan MPBP bagi menjadikan kawasan pentadbiran bersih dan bebas daripada sampah.

"Dengan usaha yang begitu komited yang dilakukan oleh MPBP ini, saya percaya dalam tahun ini juga sasaran untuk menjadi PBT kedua terbersih yang diiktiraf akan menjadi kenyataan."

"Saya juga harapkan kesemua 16 PBT di negeri ini mendapat pengiktirafan berkenaan, sekali gus menaikkan nama Johor sebagai negeri yang bersih dan lestari," katanya.





## MAJLIS BANDARAYA ISKANDAR PUTERI

|               |   |  |
|---------------|---|--|
| No. Daftar    | : | 002-2018/002                               |
| Tarikh        | : | 12.02.2018 (Isnin)                         |
| Jenis Akhbar  | : | Sinar Harian                               |
| Jenis Artikel | : | Info PBT                                   |
| Tajuk Artikel | : | PBT wajar tubuh jawatankuasa pantau sungai |

### PBT wajar tubuh jawatankuasa pantau sungai

JOHOR BAHRU - Semua pihak berkuasa tempatan (PBT) di negeri ini wajar menubuhkan unit khas pemantauan sungai di kawasan masing-masing bagi mendapatkan kawalan secara khusus dan lebih holistik berkenaan sumber alam itu.

Exco Alam Sekitar negeri, Datuk Ayub Rahmat berkata, pendekatan proaktif dan inovatif perlu diadaptasi

bagi tujuan pemeliharaan dan pemuliharaan sungai di Johor selain memastikan usaha melestarikan khazanah alam yang berharga itu.

"Perkara ini menjadilebih utama apabila kebersihan sungai membawa kepada kepentingan kesihatan penduduk apabila sumber alam itu turut berfungsi sebagai sumber utama air mentah negeri ini.

"Menerusi itu, PBT

harus mengambil semangat daripada Titik Sentuhan Bajet Negeri Johor 2018 dengan menubuhkan satu unit sungai di kawasan masing-masing bagi pemantauan khusus terhadap sumber itu," katanya.

Beliau berkata demikian dalam ucapan ketika mempengerusikan Mesyuarat Jawatankuasa Pemandu bagi Pemantauan dan Penyelesaian

Pencemaran Sungai Negeri Johor, di Kota Iskandar, di sini, Selasa lalu.

Ayub berkata, PBT lain juga disarankan untuk mengambil contoh pendekatan dilaksanakan Majlis Bandaraya Iskandar Puteri (MBIP) yang mengambil inisiatif awal menubuhkan unit sungai dan merancang pelaksanaan bagi pemantauan sungai-sungai bawah pentadbirannya.





## MAJLIS BANDARAYA ISKANDAR PUTERI

No. Daftar : 002-2018/003  
Tarikh : 12.02.2018 (Isnin)  
Jenis Akhbar : Harian Metro  
Jenis Artikel : Aduan MBIP  
Tajuk Artikel : Orang luar campak saja

DR Zaini (tengah) meninjau keadaan rumah sampah Flat Perumahan Taman Pulai Utama.

**HARIAN METRO**

Norazimah Narudin  
am@hmetro.com.my

**Johor Bahru**

P enduduk Flat Perumahan Taman Pulai Utama, Skudai di sini, gusar dengan perbuatan orang luar membuang dan melonggokkan sampah sesuka hati di rumah sampah. Perbuatan tidak bertanggungjawab itu menyebabkan banyak masalah timbul termasuk mencatatkan permasalahan flat berkenaan. Pengerusi Jawatankuasa Penduduk Taman Pulai Utama, Ishak Ismail berkata, gangguan orang luar sudah lama berlarutan. "Perkara ini sudah lama berlaku, tetapi kami tidak

DR Zaini (tengah) meninjau keadaan rumah sampah Flat Perumahan Taman Pulai Utama.

**Orang luar campak saja...**

■ Penduduk sudah penat perbuatan individu longgok sampah sesuka hati pada waktu malam

12-02-2018 | johor | 71

(ADUN) Nusajaya Dr Zaini Abu Bakar bersama komuniti Dataran Flat Perumahan Taman Pulai Utama, semalam. Ishak berkata, kehadiran pencari besi buruk yang menyelongkar rumah sampah menjadikan keadaan bertambah tidak terurus. Apa yang merisaukan penduduk di sini, katanya, sampah yang bertimbun boleh mendatangkan wabak penyakit dan pemicikan nyamuk aedes serta tikus. Penduduk, Mohamad Iskandar Roslan, 34, berkata, keadaan bertambah teruk apabila jadual kutipan sampah terlambat menyebabkan sampah bertimbun. "Sampah yang banyak ditambah pula perbuatan orang luar menyebabkan pencemaran bau," katanya.





## MAJLIS BANDARAYA ISKANDAR PUTERI

No. Daftar : **002-2018/004**  
Tarikh : **27.02.2018 (Selasa)**  
Jenis Akhbar : **Utusan Malaysia**  
Jenis Artikel : **Info PBT**  
Tajuk Artikel : **JANA PENDAPATAN PBT**

# JANA KEWANGAN PBT

**ISMAIL OMAR**



PELBAGAI objek boleh diwakafkan jika memenuhi syarat ditetapkan termasuk jambatan untuk kegunaan orang ramai. - GAMBAR HIASAN/UTUSAN

**A**LMARHUM Hamka pernah menyatakan dalam bukunya yang bertajuk *Falsafah Hidup: Adil dan Hikmah* ialah sikap kepada orang banyak, kepada sesama manusia. Kita harus adil, iaitu meletakkan sesuatu pada tempatnya dan memberikan barang kepada yang empunya. Hikmah ialah menuntut kepada kebenaran. Apabila kedua-duanya adil dan hikmah difahami dan dilaksanakan sejawarnya, hubungan sesama manusia menjadi baik. Hubungan antara kerajaan dan rakyat juga menjadi aman damai.

Dalam konteks perkhidmatan disediakan pihak berkuasa tempatan (PBT) kepada rakyat, keadilan dan hikmah memainkan peranan penting. PBT adalah agensi kerajaan yang paling dekat dengan masyarakat. Hampir keseluruhan perkhidmatan harian dituruskan mereka termasuklah lampu jalan, longkang, padang permianan, landskap, perparitan, sampah sarap dan sisa pepejal.

Dalam usaha menyediakan perkhidmatan terbaik untuk rakyat, PBT memerlukan sumber kewangan kukuh. Justeru, Kerajaan Persekutuan sentiasa berperanan membantu walaupun mereka (PBT) berada di bawah bidang kuasa kerajaan negeri.

Untuk membantu PBT, Kerajaan Persekutuan menyediakan sejumlah besar peruntukan melalui Kementerian Kesejahteraan Bandar, Perumahan dan Kerajaan Tempatan. Untuk 2013 sahaja, Kerajaan Persekutuan menyalurkan dana berjumlah RM887.1 juta dan meningkat 2.1 peratus kepada RM905.7 juta pada 2014 demi membantu PBT meningkatkan kualiti hidup rakyat.

Namun, PBT menghadapi masalah terutama untuk mengutip tunjukkan cukai pintu. Laporan Ke-

tua Audit Negara mengenai penyata kewangan Majlis Perbandaran Seberang Perai (MPSP) dan Majlis Perbandaran Pulau Pinang (MPPP) bagi 2013 menyebut jumlah tunggakan cukai pintu yang tidak dikutip oleh MPSP berjumlah RM21.8 juta. Bagi MPPP pula sebanyak RM54.5 juta. Dilaporkan terdapat kira-kira RM5 bilion jumlah tunggakan cukai pintu yang tertinggak di seluruh negara.

Apabila bajet kurang, timbul isu-isu perkhidmatan yang mampu disediakan PBT. Antara isu yang sering diperkatakan rakyat ialah penyediaan infrastruktur tidak mencukupi, kemudahan awam rosak tidak dibaiki, perbandaran kurang cekap, keselamatan persekitaran tidak terjamin dan sistem pengurusan sisipejal tidak memuaskan.

Menyedari hakikat ini, Kementerian Kesejahteraan Bandar, Perumahan dan Kerajaan Tempatan telah berusaha melaksanakan Program Transformasi Kerajaan Tempatan supaya meningkatkan tahap perkhidmatan kepada rakyat.

Salah satu tonggak utama adalah untuk memperluas dan memaksimumkan lagi sumber kewangan PBT sedia ada. Sejak Akta Kerajaan Tempatan 1976 (Akta 171) diperkenalkan selain peruntukan Kerajaan Persekutuan dan Kerajaan

Negeri, sumber utama PBT adalah cukai pintu atau kadaran, bayaran caj perkhidmatan, lesen, ikan, dendaan, sejaan dan sebagainya.

Begitupun, di bawah Seksyen 39 Akta Kerajaan Tempatan 1976 (Akta 171) terdapat fasal yang menyatakan bahawa PBT boleh menjana sumber kewangan melalui pelbagai punca sumber yang boleh memberi pendapatan seperti endowmen. Begitu juga dengan kutipan derma awam (*crowdfunding*), hibah, sedekah, derma kilat dan sebagainya.

Endowmen adalah pemberian sumbangan yang boleh digunakan tanpa mengambil pokok diterima manakala wakaf juga mempunyai takrif yang hampir serupa. Perbezaan ketara adalah endowmen adalah sumbangan yang bukan berpaksikan Islam.

Sedangkan wakaf adalah amalan ibadah Islam dengan syarat dan rukun yang disepakati ulama. Ada pandangan mengatakan endowmen juga berasal daripada wakaf yang ditiru pihak Barat daripada amalan berwakaf di Mesir suatu ketika dahulu. Sejarah menunjukkan bahawa Barat membawa konsep dan amalan wakaf dan diubah suai menjadi endowmen (amanah dan sebagainya) yang dimulakan di Universiti Oxford, United Kingdom.

Sebenarnya, punca kewangan disebutkan ini sering kali dijalankan PBT dan banyak membantu mereka menyelesaikan masalah ditanggung rakyat. Misalnya, apabila penduduk bergotong-royong membasmikan aedes, PBT memberi bantuan kewangan, pengangkutan, pekerja dan sebagainya. Mereka bersama-sama membantu penduduk menjayakan program-program amal untuk rakyat.

Namun demikian, sumbangan yang khusus dalam bentuk endowmen atau wakaf belum begitu dijalankan dengan meluas. Sedangkan, kita faham wakaf adalah satu-satunya sedekah jariah yang berkekalan pahalanya.

Namun, berwakaf mestilah bertepatan dengan kaedah dan syarat-syaratnya. Antara rukun berwakaf ialah harta yang hendak diwakafkan mestilah jelas pemilikannya atau ta'yin. Dalam konteks ini, apabila harta yang dimiliki PBT ditentukan pemilikannya, wakaf boleh dijalankan sebagai ibadah yang pahalanya mengalir hingga ke akhirat sekalipun pewakaf sudah meninggal dunia.

Oleh demikian, apabila memenuhi rukun wakaf, pelbagai maufu atau objek boleh diwakafkan. Termasuklah sungai, parit, jalan raya, dewan orang ramai, perpustakaan awam, lampu jalan, jambatan, kenderaan, tempat letak kereta, tempat rehat dan barung atau gerai.

Apabila PBT menyediari betapa pentingnya wakaf dalam menyediakan prasarana bagi meningkatkan kualiti perkhidmatan kepada rakyat, mereka boleh bekerjasama dengan pihak Majlis Agama Islam Negeri (MAIN) untuk mendapat restu bagi menjalankan dan mengutip wakaf. Jika wakaf berjalan dengan sempurna, diyakini kualiti perkhidmatan awam boleh dipertingkatkan dengan kos pengurusan rendah.

**PROFESOR DR. ISMAIL OMAR** ialah Presiden Pertubuhan Profesional Tanah Melayu (Pertama) dan pensyarah kanan di Universiti Tun Hussein Onn Malaysia.

